

Broj: 101-6.017/17 HH
Zenica, 17.04.2017. godine

Na osnovu člana 32. i člana 64. stav 1, tačka b, člana 70. stav 1,3 i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj:716- 6015-1/17 HH od 17.04.2017. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

O D L U K U

o izboru najpovoljnijeg ponuđača

I

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj:716-6.016/17 HH od 17.04.2017. godine u postupku dodjele okvirnog sporazuma za nabavku usluga unutrašnjeg platnog prometa, i prihvata se preporuka Komisije za nabavke, da se okvirni sporazum zaključi sa ponuđačem:

SBERBANK BH d.d , Sarajevo

kao najbolje ocjenjenom ponuđaču

prema ponudi protokoliranoj pod brojem:716-5.223 /17 od 30.03.2017. godine, za ponuđenu cijenu od 3.488,00 KM bez uračunatog PDV-a, odnosno sa vrijednošću ponude sa uračunatim preferencijalnim faktorom domaćeg (10%) u iznosu od 3.139,20 KM, bez PDV-a.

II

Prijedlog okvirnog sporazuma dostavit će se na potpis izabranom ponuđaču Sberbank BH d.d. Sarajevo, nakon isteka roka od 10 dana, računajući od dana kada su svi ponuđači obavješteni o izboru najpovoljnije ponude .

III

Za realizaciju ove Odluke zadužuje se Komercijalna i Finansijska služba u preduzeću.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

V

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-4.329/17 HK od 16.03.2017. godine.

Javna nabavka je provedena putem konkurentskog zahtjeva za dostavu ponuda, sa zaključivanjem okvirnog sporazuma sa jednim ponuđačem na period od 24 mjeseca.

Procijenjena vrijednost javne nabavke bez uračunatog PDV-a je 10.000,00 KM.

Dana 16.03.2017. godine na Portalu javnih nabavki, istovremeno sa objavljivanjem obavještenja o nabavci broj: 439-7-2-152-3-16/17, objavljena je i tenderska dokumentacija.

Poziv za preuzimanje tenderske dokumentacije broj: 713-4.329-2/17 HK od 16.03.2017. godine upućen je sljedećim ponuđačima:

1. UniCredit bank d.d.,
2. Addiko Bank d.d. Mostar,
3. Bosna Bank International d.d. Sarajevo,
4. Intesa Sanpaolo Banka d.d. BiH,
5. ASA banka d.d. Sarajevo,
6. NLB Tuzlanska Banka d.d.,

7. Privredna banka Sarajevo d.d. Sarajevo,
8. ProCredit bank d.d.,
9. Raiffeisen bank d.d. BiH,
10. Sberbank BH d.d. Sarajevo,
11. Union banka d.d. Sarajevo,
12. Vakufska banka d.d. Sarajevo,
13. Ziraatbank BH d.d. ,
14. Sparkasse bank d.d..

Na osnovu Izvještaja o preuzimanju tenderske dokumentacije od strane ponuđača od 30.03.2017. godine u 14:34 sati, utvrđeno je da su sljedeći ponuđači preuzeli tendersku dokumentaciju:

1. NLB Banka d.d. Sarajevo,
2. Komercijalna banka ad Banja Luka,
3. Infostrim d.o.o.,
4. ekipija d.o.o.,
5. BBS Europe,
6. Nova Banka AD Banja Luka,
7. Krajinagroup d.o.o. Banja Luka,
8. Intesa Sanpaolo Banka d.d. BiH,
9. Sberbank BH d.d. Sarajevo,
10. NML d.o.o.,
11. Sparkasse bank d.d.,
12. Investiciono –komercijalna banka d.d. Zenica,
13. Addiko Bank d.d. Sarajevo,
14. Bosna Bank International d.d. Sarajevo,
15. Privredna banka Sarajevo d.d. Sarajevo.

Komisija za nabavku imenovana je Odlukom broj: 101-1.672/16 MS od 11.01.2017. godine.

Komisija za nabavku je dana 13.04.2017. godine direktoru preduzeća dostavila Zapisnik o ocjeni ponuda broj: 716-6.016 /17 HH od 17.04.2017. godine i Preporuku o izboru najpovoljnijeg ponuđača broj: 716-6.015-1/17 HH od 17.04.2017. godine, u postupku javne nabavke za nabavku usluga unutrašnjeg platnog prometa.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 4 (četiri),
- da su blagovremeno zaprimljene 4 (četiri) ponude,
- da nema neblagovremeno zaprimljenih ponuda,
- ukupno preuzeto tenderske dokumentacije od strane ponuđača sa Portala javnih nabavki 15 (petnaest).

Polazeći od gore navedenih konstatacija, a shodno odredbama Zakona o javnim nabavkama, podzakonskim aktima, opštim aktima ugovornog organa i tenderskom dokumentacijom Komisija je ocijenila da:

U skladu sa članom 66. Zakona o javnim nabavkama („Službeni glasnik BiH“ broj: 39/14) i člana 17. Uputstva za pripremu modela tenderske dokumentacije i ponuda („Službeni glasnik BiH“ broj: 90/14), Komisija za nabavku je dopisom broj:716-5223-1/17 MZ od 31.03.2017. godine zatražila objašnjenje ponude od ponuđača Sberbank BH d.d. Sarajevo za neprimjereno nisku cijenu ponude, u odnosu na drugorangiranog ponuđača Privredna Banka Sarajevo d.d. Sarajevo za nabavku usluga unutrašnjeg platnog prometa , iz razloga što je vrijednost njegove ponude za više od 20 % niža od vrijednosti ponude drugorangiranog ponuđača.

Ponuđač Sberbank BH d.d. Sarajevo je dana 05.04.2017. godine dostavio objašnjenje za cijenu svoje ponude na protokol broj: 716-5.630/17 u kojem navodi da su cijene za bankarske usluge dostavljene zbog interesa Banke za proširenja saradnje. Pored toga nevedeni ponuđač ističe da su cijene za naloge putem GC i RTGS ponuđene

u skladu i iznad cijena koštanja a što se može i potvrditi kroz tarifu Centralne banke Bosne i Hercegovine. Ponuđač naglašava da je aktuelnu tarifu uskladio sa očekivanim obimom platnog prometa. Također, navodi da svaka institucija ima svoju kalkulaciju finalnih troškova koštanja po jedinici proizvoda koji su ovisni o stepenu automatizacije procesa, učešća radne snage u realizaciji i drugih elemenata koji utiču na kranju cijenu proizvoda.

Ponuđač Sberbank BH d.d. Sarajevo je dostavio ponudu u vrijednosti od 3.488,00 KM, bez PDV-a. Ponuđač je, također, dostavio i Potvrdu od VTK BiH o preferencijalnom tretmanu domaćeg, a koju je ugovorni organ, u smislu čl. 67.ZJN i Odluke o obaveznoj primjeni preferencijalnog tretmana domaćeg (Sl. glasnik BiH broj: 103/14) uzeto u obzir prilikom ocjene ponuda, nakon provedene e-aukcije.

Kod ponuđača Bosna Bank Internationale d.d. Sarajevo nakon provjere računske ispravnosti ponude, ustanovljeno je da ponuđač u Aneksu 1—Obrazac za cijenu ponude ukupan iznos ponude nije napisao slovima. Ponuda ponuđača je odbijena kao formalno pravno nezadovoljavajuća iz predhodno navedenog razloga i ista se odbija na osnovu člana 68. tačka 4. stav (i) Zakona o javnim nabavkama.

Također, kod ponuđača Sparkasse bank d.d. BiH Sarajevo je, nakon provjere računske ispravnosti ponude, ustanovljeno da ponuđač u Aneksu 1—Obrazac za cijenu ponude ukupan iznos ponude nije napisao slovima.

Ponuda ponuđača je odbijena kao formalno pravno nezadovoljavajuća iz predhodno navedenog razloga i ista se odbija na osnovu člana 68. tačka 4. stav (i) Zakona o javnim nabavkama.

Ponuđači Privredna Banka Sarajevo d.d. Sarajevo i Sberbank BH d.d. Sarajevo su dostavili formalno-pravno i tehnički zadovoljavajuće ponude, te je ugovorni organ, shodno odredbi čl.4. Pravilnika o načinu korištenja e-aukcije navedenim ponuđačima zakazao e-aukciju za dan 12.04.2017.godine,u terminu od 13: 00 sati.

E- aukcija je održana u zakazanom terminu.

Učesnici e-aukcije nisu mjenjali iznose svojih ponuda.

Konačne ponude, nakon završetka postupka e-aukcije su:

- Sberbank BH d.d. Sarajevo, ponuda u iznosu od 3.488,00KM, bez PDV-a.

-Privredna Banka Sarajevo d.d. Sarajevo, ponuda u iznosu od 6.807,00, bez PDV-a.

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je rangiranje ponuđača izvršeno u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je, primjenjujući kriterij „najniža cijena“, Komisija izvršila ocjenu prihvatljive ponude / ponuđača kako slijedi:

1. Sberbank BH d.d. Sarajevo,

sa ukupnom cijenom ponude od 3.488,00 KM bez uračunatog PDV-a, a koja sa uračunatim preferencijalnim faktorom (10%) iznosi 3.139,20 KM bez PDV-a,

2. Privredna Banka Sarajevo d.d. Sarajevo,

sa ukupnom cijenom ponude od 6.807,00 KM bez uračunatog PDV-a.

te dala preporuku da se okvirni sporazum zaključi sa najuspješnijim ponuđačem Sberbank BH d.d. Sarajevo, na period od 24 mjeseca.

Iz navedenih razloga, primjenom člana 32 i člana 64. stav 1. tačka b. Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.



v.d. Direktora:

Šečić Nedim, dipl.ing.maš.

DOSTAVLJENO:

- 1 x Direktor preduzeća
- 1 x Pom.dir.za ekon. i prav. posl.
- 1 x Pom.dir.za tehn.posl.
- 1 x Komercijalna služba
- 3 x Članovima Komisije
- 1 x Sekretar Komisije
- 1 x a/a